

## BASES REGULADORAS DO I CONCURSO DE FOTOGRAFÍA "A LARACHA NO OBXECTIVO"

### 1. ANTECEDENTES.

A Concellería de Turismo do Concello da Laracha convoca a I edición do concurso de fotografía "A Laracha no obxectivo", coas condicións e características recollidas nestas bases. Convócanse dúas modalidades: a **modalidade xeral** e a **modalidade redes sociais**.

### *Modalidade Xeral*

### 2. PARTICIPANTES MODALIDADE XERAL

O concurso é gratuíto e poderán acceder as persoas físicas maiores de idade que o soliciten segundo o modelo incluído no Anexo 1. Así como, as persoas físicas menores de idade, que ademais deberán estar debidamente autorizadas, segundo o modelo incluído no Anexo 2.

As fotografías presentadas serán cedidas ao Concello da Laracha para seren utilizadas en carteis, calendarios, exposicións, folletos e publicidade e propaganda do Concello, sen dereito a indemnización algunha por este feito.

Toda e todo participante, polo feito de selo, manifesta coñecer e aceptar as bases de participación, ademais serán as únicas e exclusivas responsables da autoría, orixinalidade e contidos das súas fotografías, debendo, se fose necesario, contar cos permisos das persoas retratadas.

### 3. TEMÁTICA

A fotografía deberá mostrar o patrimonio natural ou o patrimonio cultural -material e inmaterial- do concello da Laracha. É obrigatorio que o lugar, entorno ou ben sexa do concello da Laracha, e como tal sexa recoñecible. Non se admitirán aquelas fotografías que non cumpran este requisito.

### 4. NÚMERO E CARACTERÍSTICAS DAS IMAXES

Cada concursante poderá presentar un máximo de 3 fotografías inéditas que non poden estar xa seleccionadas ou premiadas en ningún outro certame ou concurso, en cor ou branco e negro, e coas seguintes características:

- O soporte será obrigatoriamente dixital. As fotografías deberán ter unha resolución mínima de 3000 x 2000 píxeles, e os formatos admitidos serán JPG, TIFF e PNG.
- Cada fotografía debe levar un título como nome de arquivo.

– No caso de fotografías retocadas, é preciso xuntar os ficheiros orixinais coa seguinte denominación: título, seguido de guión baixo, seguido da palabra “orixinal” (isto é: título da foto\_orixinal). Só se admitirán axustes básicos (cor, temperatura, enfoque, brillo e contraste). Quedarán excluídas as fotografías con importantes retoques ou alteracións, tanto manuais ou dixitais.

## 5. FORMA DE PRESENTACIÓN

As fotografías presentaranse do seguinte xeito:

– Nun sobre grande escribírase exclusivamente de forma visible: I Concurso de fotografía “A Laracha no obxectivo”, e un pseudónimo libremente elixido polo autor, coa única condición de que non permita que este sexa facilmente identificable.

– No interior deste sobre incluírase un CD ou lapis de memoria que conteña exclusivamente as fotografías presentadas, co seu título, como nome do arquivo. Estes nomes, así como o pseudónimo, figurarán tamén visibles na carátula do CD. No caso de presentar un lapis de memoria presentaranse estes datos nunha folla e escribírase o pseudónimo ou unha parte do mesmo que permita o seu recoñecemento, sobre o lapis de memoria, cun marcador indeleble.

– Xunto ao CD ou lapis de memoria, e no interior do sobre grande, incluírase un sobre pequeno pechado co pseudónimo escrito no seu exterior. No interior deste sobre introducirase unha folla cos seguintes datos:

- a) O documento correspondente ao Anexo 1, no caso de maiores de idade, ou o Anexo 2, no caso de menores de idade.
- b) E, un documento de libre configuración no que se inclúa o título de cada unha das fotografías, cunha breve explicación do lugar e data na que foi realizada.

## 6. LUGAR E PRAZO DE PRESENTACIÓN

O lugar de presentación será o rexistro da Casa do Concello (Praza do Concello, s/n, 15145 A Laracha), dende o día 02/11/2021 ata as 13.00 horas do 30/11/2021.

Para poder garantir o anonimato dos participantes, non se entregará xustificante algún da entrega dos sobres. Ao remate do prazo de presentación establecido, publicarase na web do Concello o listado de pseudónimos participantes no concurso.

## 7. CRITERIOS DE VALORACIÓN DO XURADO

O xurado poderá outorgar un máximo de 30 puntos a cada unha das fotografías, de acordo cos seguintes criterios:

– Polo impacto visual: ata 10 puntos.

Sensación que se percibe ao observar a imaxe por primeira vez, atraendo a atención sobre as demais ou evocando algún tipo de sentimento.

– Pola calidade técnica-artística: ata 10 puntos.

Foco, nitidez, balance de cores, iluminación, composición, exposición e presentación.

– Pola creatividade: ata 10 puntos.

Orixinalidade en canto ao tema, destacando en canto ao modo de presentar o patrimonio fotografado.

## 8. COMPOSICIÓN DO XURADO

O xurado estará formado por:

- Dous profesionais da fotografía, de empresas e medios de comunicación ou do sector turístico relacionados co entorno da Laracha.
- E, un representante do Concello.

A composición exacta do xurado darase a coñecer con suficiente antelación ao fallo do concurso a través da web municipal.

#### 9. FUNCIONAMENTO DO CONCURSO

Finalizado o prazo de presentación e desde o departamento de Turismo do Concello, descargaranse todas as fotografías presentadas e comprobarase que os participantes achegaran toda a información requirida no punto 5 (Forma de presentación), aceptándose só aquelas fotografías dos participantes que cumpran este deber. O sobre pequeno pechado só se abrirá unha vez finalizado o concurso.

O xurado, en día e hora que se anunciará igualmente na web municipal, visualizará as imaxes aceptadas, descartando aquelas que incumpran o requisito sinalado no punto 3 (Temática), sobre a obrigatoriedade de que o lugar, entorno ou ben sexa do concello da Laracha e como tal sexa recoñecible. Sobre as fotografías restantes realizarase a selección.

#### 10. PREMIOS

Establécense os seguintes premios, que poderán ser declarados desertos e estarán suxeitos ao disposto na lexislación fiscal vixente no momento da concesión:

- 1.º premio: 500 €
- 2.º premio: 300 €
- 3.º premio: 150 €

Os premios serán entregados simbolicamente nun acto público en data e lugar que se dará a coñecer con suficiente antelación, sen prexuízo de que nos días seguintes ao acto se realice o efectivo ingreso do premio na conta bancaria do beneficiario, ou na conta do pai, nai ou representante legal, no caso de que se trate de un menor.

### ***Modalidade Redes Sociais***

#### 11. PARTICIPANTES MODALIDADE REDES SOCIAIS

O concurso é gratuíto e poderán acceder as persoas físicas maiores ou menores de idade segundo o formulario online, no que se autorizará ao Concello da Laracha a compartir a imaxe nas redes sociais municipais.

A fotografía presentada será cedida ao Concello da Laracha para ser utilizada en carteis, calendarios, exposicións, folletos e publicidade e propaganda do Concello, sen dereito a indemnización algunha por este feito.

Toda e todo participante, polo feito de selo, manifesta coñecer e aceptar as bases de participación, ademais serán as únicas e exclusivas responsables da autoría, orixinalidade e contidos da súa fotografía, debendo, se fose necesario, contar cos permisos das persoas retratadas.

## 12. TEMÁTICA

A fotografía deberá mostrar o patrimonio natural ou o patrimonio cultural -material e inmaterial- do concello da Laracha. É obrigatorio que o lugar, entorno ou ben sexa do concello da Laracha, e como tal sexa recoñecible. Non se admitirán aquelas fotografías que non cumpran este requisito.

## 13. NÚMERO E CARACTERÍSTICAS DAS IMAXES

Cada concursante poderá presentar un máximo de 1 fotografía inédita que non pode estar xa seleccionada ou premiada en ningún outro certame ou concurso, en cor ou branco e negro, e coas seguintes características:

- O soporte será obrigatoriamente dixital. As fotografías deberán ser de alta resolución, e os formatos admitidos serán JPG, TIFF e PNG.
- A fotografía debe levar un título como nome de arquivo.
- No caso de fotografías retocadas, é preciso xuntar os ficheiros orixinais coa seguinte denominación: título, seguido de guión baixo, seguido da palabra “orixinal” (título da foto\_orixinal). Só se admitirán axustes básicos (cor, temperatura, enfoque, brillo e contraste). Quedarán excluídas as fotografías con importantes retoques ou alteracións, tanto manuais ou dixitais.

## 14. FORMA, LUGAR E PRAZO DE PRESENTACIÓN

O formulario de inscrición (Anexo 3) estará dispoñible na páxina web do Concello ([www.alaracha.gal](http://www.alaracha.gal)) dende o día 02/11/2021 ata as 13.00 horas do 30/11/2021.

O formulario de inscrición indicado no parágrafo anterior, conta cun apartado no que o concursante pode xuntar a fotografía que se presente ao concurso, e no seu caso a fotografía sen retocar.

## 15. VALORACIÓN

O día 01/12/2021 o Concello publicará no Facebook de Turismo da Laracha (<https://es-es.facebook.com/TurismoALaracha/>) as fotografías participantes nesta modalidade do concurso.

A partir do momento da publicación, as usuarias e usuarios das redes sociais poderán valorar as fotografías a través da opción “gústame” nas fotografías publicadas. O prazo de valoración abarcará dende o momento da publicación ata o 09/12/2021 as 13:00 horas.

## 16. PREMIOS

Establécese un único premio de 200€ para a fotografía que reciba máis “gústame”. En caso de empate, o premio repartirase entre os gañadores.

Os premios serán entregados simbolicamente nun acto público en data e lugar que se dará a coñecer con suficiente antelación, sen prexuízo de que nos días seguintes ao acto se realice o efectivo ingreso do premio na conta bancaria do beneficiario, ou na conta do pai, nai ou representante legal, no caso de que se trate de un menor.

## ***Información relativa a ambas modalidades***

### **17. DOCUMENTACIÓN A ACHEGAR POLOS PREMIADOS**

Cada concursante que resulte premiado deberá achegar a seguinte documentación:

- Copia do DNI.
- Declaración responsable na que conste que non está incurso en ningunha das causas que determina o artigo 13 da Lei 38/2003, do 17 de novembro, xeral de subvencións, que está ao corrente das súas obrigas tributarias (Estado, Comunidade Autónoma e Concello da Laracha) e fronte á Seguridade Social, e que non é debedor por resolución de procedencia de reintegro de subvención.
- Certificación da conta bancaria, na que se ingresará o premio.

### **18. INTERPRETACIÓN**

O Concello da Laracha resérvase a facultade decisoria no caso de controversia á hora de interpretar estas bases.

### **19. PUBLICACIÓN**

As presentes bases publicaranse na páxina web do Concello da Laracha, e se difundirán a través das redes sociais do propio concello e medios de comunicación.

### **20. INFORMACIÓN ADICIONAL**

Ningún concursante poderá ser premiado por máis dunha fotografía que presente ao concurso.

Establécense os seguintes medios para a obtención de calquera información adicional:

- Correo electrónico: turismo@alaracha.gal
- Teléfono 981 605001

En A Laracha, 29 de outubro de 2021.

O alcalde,

José Manuel López Varela

**ANEXO 1.- MODELO DE SOLICITUDE PARA PARTICIPANTES MAIORES DE IDADE NO I CONCURSO DE FOTOGRAFÍA “A LARACHA NO OBXECTIVO”. MODALIDADE XERAL.**

PSEUDÓNIMO	NIF	
APELIDOS, NOME	DATA DE NACEMENTO	
DIRECCIÓN	POBOACIÓN	CP
Teléfono de contacto	Correo electrónico	

Título Foto 1.-
Título Foto 2.-
Título Foto 3.-

Declaro que comprendo e acepto as bases do I Concurso de fotografía “A Laracha no obxectivo” organizado polo Concello da Laracha, así como a autoría, orixinalidade e inexistencia de premios ou selección previas noutros concursos, das fotografías presentadas.

Cedo as mesmas ao Concello da Laracha para seren utilizadas en carteis, calendarios, exposicións, folletos e publicidade e propaganda do Concello, sen dereito a indemnización algunha por este feito.

*De acordo coa Lei Orgánica 3/2018, de 5 de decembro, de Protección de Datos Personais e Garantía dos Dereitos dixitais, informámoslle que os seus datos serán incluídos nun ficheiro do que é titular o Concello da Laracha e poderán ser utilizados para atender a solicitude formulada neste formulario.*

*Informámoslle, ademais, que poderá executar os seus dereitos de acceso, rectificación, cancelación e oposición no enderezo: Concello da Laracha, Praza do Concello s/n 15145 – A Laracha (A Coruña). De acordo coa Lei Orgánica 3/2018, de 5 de decembro, de Protección de Datos Persoais e Garantía dos Dereitos dixitais, informámoslle que os seus datos serán incluídos nun ficheiro do que é titular o Concello da Laracha e poderán ser utilizados para atender a solicitude formulada neste formulario. Informámoslle, ademais, que poderá executar os seus dereitos de acceso, rectificación, cancelación e oposición no enderezo: Concello da Laracha, Praza do Concello s/n 15145 – A Laracha (A Coruña).*

Autorizo ao Concello da Laracha a que utilice os datos facilitados nesta inscrición para o exercicio das súas competencias administrativas e de organización de cara ao concurso de fotografía "A Laracha no obxectivo".

En A Laracha, a            de            do ano

Firmado:

**ANEXO 2.- MODELO DE SOLICITUDE PARA PARTICIPANTES MENORES DE IDADE NO I CONCURSO DE FOTOGRAFÍA “A LARACHA NO OBXECTIVO”. MODALIDADE XERAL.**

**Datos do participante menor de idade**

PSEUDÓNIMO	NIF	
APELIDOS, NOME	DATA DE NACEMENTO	
DIRECCIÓN	POBOACIÓN	CP
Teléfono de contacto	Correo electrónico	

Título Foto 1.-
Título Foto 2.-
Título Foto 3.-

..... (Nome e apelidos da nai/pai/titora ou titor legal), con NIF ..... (NIF nai/pai/titora ou titor legal), con teléfono de contacto..... e correo electrónico ....., manifesto:

Que coñezo as bases do concurso, e autorizo expresamente a participación da/do menor no I Concurso de fotografía “A Laracha no obxectivo” organizado polo Concello da Laracha, así como o tratamento dos datos e imaxes do mesmo, sempre coa finalidade do desenvolvemento do presente concurso.

Declaro a autoría, orixinalidade e inexistencia de premios ou selección previas noutros concursos das fotografías presentadas pola/polo menor. Así, mesmo e en nome do meu fillo, filla, tutelado ou tutelada cedo as mesmas ao Concello da Laracha para seren utilizadas en carteis, calendarios, exposicións, folletos e publicidade e propaganda do Concello, sen dereito a indemnización algunha por este feito.

*De acordo coa Lei Orgánica 3/2018, de 5 de decembro, de Protección de Datos Persoais e Garantía dos Dereitos dixitais, informámoslle que os seus datos serán incluídos nun ficheiro do que é titular o Concello da Laracha e poderán ser utilizados para atender a solicitude formulada neste formulario.*



*Informámoslle, ademais, que poderá executar os seus dereitos de acceso, rectificación, cancelación e oposición no enderezo: Concello da Laracha, Praza do Concello s/n 15145 – A Laracha (A Coruña). De acordo coa Lei Orgánica 3/2018, de 5 de decembro, de Protección de Datos Personais e Garantía dos Dereitos dixitais, informámoslle que os seus datos serán incluídos nun ficheiro do que é titular o Concello da Laracha e poderán ser utilizados para atender a solicitude formulada neste formulario. Informámoslle, ademais, que poderá executar os seus dereitos de acceso, rectificación, cancelación e oposición no enderezo: Concello da Laracha, Praza do Concello s/n 15145 – A Laracha (A Coruña).*

Autorizo ao Concello da Laracha a que utilice os datos facilitados nesta inscrición para o exercicio das súas competencias administrativas e de organización de cara ao concurso de fotografía "A Laracha no obxectivo".

En A Laracha, a            de            do ano

Firmado:

**ANEXO 3.- MODELO DE FORMULARIO DE INSCRIPCIÓN PARA PARTICIPANTES NO I CONCURSO DE FOTOGRAFÍA “A LARACHA NO OBXECTIVO”. MODALIDADE REDES SOCIAIS.**

O enlace a este formulario é o que segue: <https://forms.gle/AY6mXV9M3kLZzK54A>